

西沔全集

西涯全集

西澗全集卷第七

門人

新津童 咸編輯
成都宋寶械
眉州劉鴻典
男 茲蟻校刊

邴邴詩稿 古體

竹庵夜坐

雙扉面石壁月光不盈尺蕭蕭數莖竹微風時淅瀝腐葉雜
丹黃寒泉但一碧蟲絲珠露多幽氣空庭夕

步至後山見西山晚霞

西山當我前蒼然如積鐵驕陽適西下山氣爲所熱頓放太

光明照耀黃金闕
微風蕩漾之變態益奇譎
少焉斜景沈餘輝
未遽滅生滅均偶然
萬象供一瞥
緬眄竟忘歸
歸途防傾跌
幽幽東山巔
已有半輪月

贈南溪陳翁

翁家種花如種菜
蓬室草筵花世界
釣罷歸來呼比鄰
煮酒烹魚說閒話
記得櫓槍未滅時
巴渝白骨交撐持
全家覆沒無人問
明日重逢不自知
大半人民已非昨
那問蟲沙與猿鶴
白頭猶見太平年
如此風光樂復樂
朝朝爛醉百花前
醉後還從花底眠
眠熟知翁有好夢
竿絲裊裊垂蒼煙

墮地吟

人生一墮地便與地周旋眼前行不盡腳底踏不穿團團終
日走人脆地逾堅地乃憫人勞留穴待人眠其下爲黃泉其
上爲青天青天無尺土人言有神仙

晚泊嘉定城下次日渡江游凌雲山歸舟以詩紀之

月魄初昏黃波心忽峭碧趨泊古城根去山如咫尺盈盈隔
一水水正莫能隔倒影入船牕幽情兩脈脈天明急推篷覓
山不可得人起山未起濛濛一片白山被白雲封雲開山在
側夜但吸山氣朝乃見山色陽鳥出林表溼翠翻翁艤瑯瑯石

與詭暉爛然光四塞其上有九頂其下疑無隙豈知過江來
闔者倏已闢綠陰蒙小溪兩邊塋如甌碧瓦覆平橋一徑淨
如拭遊山夙有道在徐不在亟初厲繼必衰善遊須善息蘿
磴遞縈紆苔泉暗滴漚寥寥鐘磬音雜雜漁樵跡去來人幾
何前後不相識詩人多留題競刻巖邊石石固壽於人年深
石亦泐孰不寶榮名未可恃石刻山古閱人多念之心惻惻
棄置勿復云翱翔隨所適佳哉吸江亭危欄俯絕壁洩沫交
衝撞濤聲洩兩腋佛像高如許乃不逮吾屐了了見大哉娟
娟如初月詰屈不分明諸山如潑墨縱目生遠心傅身無逸

翻浮圖縱可登其途則已窄窮高亦何爲本是山下客下山
不宜遲看看日輪仄

新灘

長江萬里來蜿蜒破空直下岷峨巔瞿唐一門塞不得到此
極力相關鍵橫截崩湍插複閘巉巉積石年復年蟠根不知
幾千丈力倒三峽回百川畢竟長江要東去不隨西日入虞
淵兩不相容兩相搏水性逾悍石逾堅冬水落槽石露頂長
艣大艣紛遷延艣中不復留一物其上如拒下如顛我來舍
舟亟登岸耳鳴眼跳心懸懸撫掌無端作奇想欲剗其脊脊

西洲全集 卷一
其咽一椎一鑿敗人意快意無過秦皇鞭豈惟水中之石奔
騰不得住直須一掃羣峰如輕煙驅置河南及河北兩兩夾
持洪河邊河不爲災江出險直教兩戒俱宴然惜哉神人不
可見神物亦裹蛟龍涎萬事那得快人意一快往往多後艱
不如席地且安坐飽看江北江南山上山

牛口灘

鉅石橫江忽中斷中間一道奔湍悍吾聞牛背穩於船船來
牛口失其堅異哉以人爲血食石磨鉅齒流饞涎生人對爾
轉轂鯨畏爾桀驚難爾伏何當巨椎椎殺之吾欲持此告司

牧

石首阻風同克生石齡兩兄

南風兩頭走北風
石首昔聞舟子言
宛如新脫口
適來租小舟
江干竟坐守
封姨一何怒
聲作師子吼
長年與柁師
人都縮手
弟兄共一倉
倉低如簾箔
人伸頻打頭
轉側還掣肘
大兄頽而長
跋前或蹶後
三兄略短小
支左亦詘右
兩兩歎惜聲
恒自卯達酉
而我竊忘情
虛緣隨所受
一自出山來
險巇何不有
倘爲逆境搖
將與羈愁狃
請兄勿太息
勸兄且飲酒
屈伸如轉環
此理君知否
會有南風來
相送到牛斗

雨出都

竟夜雨聲一何怒意謂雨欲留人住凌晨看雨雨不來雨竟
先人出城去坐車如坐舟騎馬如騎牛人從闕道走水上驛
亭流流水湯湯泥滑滑在阡滿阡谷滿谷欲進不遂退不能
馬力竭兮車脫輓征夫潦倒無足苦竊爲蒼天惜此雨黃梁
白稷待登場翻恐神奇化朽腐大旱無年無處無三農望澤
如醍醐但令一滴禾下土禾苗不槁人亦蘇吁嗟此雨胡爲
乎

岳墳

行行棲霞嶺歎息聲相續湖山一抔土風波三字獄老樹亦
何知南枝不肯屈頑鐵亦何辜金無此辱大忠有至性大
奸有餘毒眾口同一快百身真莫贖當其北伐時勢已成破
竹虛費十年功詎瞑九泉目此土差乾淨碧血凝白骨悲哉
五國城兩棺不可復

旅懷

生來山澤癯合是漁樵侶無端一念差逐隊覓科舉後事不
可知壯懷空自許卻憶成都賣卜人爲我筮得火山旅東西
望斷太行雲卽今吳越又荆楚秋風白芷弔三閭落日蒼梧

西清全集 卷十
悲二女滔滔百谷有歸墟漠漠孤雲無定所
舟兮窾木車飛蓬成息古人何造汝

盧陶伍招同余栗原陳桂西游田家湖既歸分韻賦呈
俗士如抱病坐爲愁所侵俗吏如負重恒苦力不任君昔未
通籍風格已嶽崑生理絕儋石曠懷無古今及茲作宰官婦
子視黎黔堂虛自懸鏡衙罷輒鳴琴華容富山水春事去駿
駸解舍東西頭賓朋多素心排闥亟招邀出郭恣登臨不復
煩車騎步入湖之潯村巷柳初絮籬落桑已堪高沙淤古堰
淡烟濛遠岑蜻蜓野艇小鳬鷺新漲深縱棹澹容與有酒隨

酌斟君非林下客身方簪華簪超然一無累快哉殊不禁余
亦頓昭廓繁慮均銷沈清景如創獲奇趣耐幽尋波晃日交
閃城皆天欲陰游騁既盡興歸來復聯吟漏聲代擊鉢韻事
追題襟詩成燭未半清風夕悒悒

病瘧

卑溼加溽暑譬之甑中飯其氣浮浮然下饋而上噴溼熱入
腠理陰陽遂交煽閉口必一發應候能百變發若機驟張變
若圍斯轉當其附體時寒威爲之先肩粟口輒噤股栗膽亦
顫急入重衾中覆足兼掩面宛作負心事不欲令人見始副

古人言兢兢兼戰戰水澆旣瀕危火攻徐發難平生七尺軀
謬自詡鐵漢倉皇試一燒倏忽經百鍊洪爐無此烈通身皆
熱汗毛孔四萬餘粒粒珠璣濺不慮精液枯直恐皮肉爛客
或爲余言此疾最剽悍惟虐故名瘡曰瘡亦曰疔中有物式
憑乃爾威竊擅余初妄聽之頗欲加詞譴旣乃憬然悟因之
慨然歎當阨須反觀卻敵在果斷鬼烏能傷人唯人自召患
月令云掩身未容恣所便胡爲繫礪裸風以白羽扇聖人不
多食小人慣屬饜瓜果才登盤油膩旋滿案無蠱始無毒有
根斯有蔓瘡不病君子雖諺實非譌枕畔發深省鏡前書左

券借爲座右銘用防習坎洊神定意豁然有若藥瞑眩開戶
四無聲明河垂匹練

卽事示陳桂西

長風挾雨東南來橫空格格走雄雷夜半忽驚春漲發排山
倒海聲喧豗孤鐙照我影邊坐當頭一喝心神摧才看古瓦
千鱗碎旋見高垣半角頽六丁追祕笈文字失奇瑰真仙成
大藥拔宅出塵埃而我枯管不生花豈復名字隸丹臺竊歎
此身如赤鯉不曾燒尾常曝鰓天公翻自惡作劇咄咄逼人
何爲哉西齋怪有渴睡漢沈沈不醒如泥孩得免排牆已徹

幸猶從徙宅肆嘲諷險途亦是尋常事矮屋難埋磊落才安得與子雲龍兩相逐破壁飛騰霖九垓

南沱舟次書客語

今朝過了鹿角漩南沱上去是么占歸州祇要一日半五日六日巫山縣君休算且回看一通石牌一具荆棺活人已入

鬼門關坐船千萬難勸君休坐船

自黃陵廟至空船峽俗通謂么占河石牌荆棺皆峽

名

下有一百六灘上有四十八盤盤盤上與青天連鑽天天難

鑽拚命命難拚君言休坐船山行難更難

鑽天拚命皆坡名

山行良苦外患不干坐船差便一破難完甯就勞而舍逸勿
狎危而偷安君不見浪花一噴船已沒更有焦巴相舐觸折
桅斷縴亦尋常駭得稍公不敢哭無限水鬼求替身魚大於
人能喫人坐船由來不踏一寸土山行雖苦究非苦

舟人呼
粗石爲

焦巴

亦知船難坐坐船非獨我前船已粉碎後船仍起柁出門有
所求求福遑避禍紛紛螻蟻與烏鳶葬魚腹中無不可何況
人生各有命平地幾曾沒坎坷風帆一開大快意若是山行
足早跛慎勿心懸懸勸君且坐船